

太平經卷一百二之一百三

訓九

太平經卷之一百二同卷一百三

訓九

神人自序出書圖服色訣第一百六

十五

吾本少學而不止精神念之涕常欲下爲此
積久蒙皇天大恩今日幸得逢天師人於曠

野始學若虧司問小事外浮華也本求守一
養性之法凡三百首乃見天師說而無極故
敢問身寧可得長存與不見天師說而無極
故敢問小政事見師說無極乃敢具問天地
開闢以來帝王更相承負愁苦天災變怪訖

不絕何以除之又羣神無故共害人人不得
其年命以何止之今受天師嚴教深戒之
後宜何時出此止茲僞興天地道之書乎乙
乙而出以付郵客而往通之者也後世歲歲
在玄甲乃出之是天諸甲之首最上旬也與

訓九

元氣爲初乃以書前後付國家可以解天地
初起以來更相承負之厄會也比付當以何
字其文教積累其字獨自深知之勿令泄皇
天上和與第一之道也將傳與能往付者共
分別解之比到玄甲使其憤憤如有求吾書

者以守一浮華爲前以付之已付郵客方士
往付上有至德之君何謂也得而防行之即
其人也不知行之即非其人也真人勿先出
之也且天威怒反殺人也吾戒悉盡於是矣
所以口口誠畏天有言也今天師教勅下愚
弟子曾中悽悽若且可知不敢負也誠問著
圖者畫神衣云何哉皆象天法無隨俗事也
今不曉天法其人圖大小自以意爲衣衣者
隨五行色也今使母舍子居其內以色相次
也大重之衣五也中重之衣四也小重之衣

三也微重之衣象陰陽二也大集之衣亂彩
六重也願聞大重何象象五行氣相合也四
重何象象四時轉相生也三重何象象父母
子陰陽合和也二重何象象王相炁相及也
六重何象象六方之彩雜也故天下有雜色
訓九
也此之謂善哉善哉行去慎圖密文唯唯今
弟子至愚且賤蒙恩得與天師文用日久凡
事響且畢願更問一疑平言何等也今見天
地開闢以來文書前後出非一乃積多復多
河洛出之今此書何不須河洛出之乎善哉

善哉子今難也天使子言可謂得其意矣今天悉使吾爲帝王人民具出陳承負之責會也文書積衆多不可以河洛出之也夫河洛文書文多當見其策文多難以策悉知之故天因人出之也天乃深知吾而爲其言知而具難問故反使子與吾共傳其要言也子亦自知學而不得道心真人爲何來哉今愚蔽暗不自知也

右問閉藏出其圖畫衣服文

位次傳文閉絕即病訣第一百六十

子爲天來學問疑吾爲天授子也願聞其訣
意以何明之也其以又明之云何哉今有德
之君得吾書心解行之與衆賢共議以化凡
民必與天立響相應是其明證也吾道以誠

訓九

三

成不設僞言行已訣矣唯唯弟子無狀數愁
天師不也子不好問亦無從知之也吾舍此
學久矣無可與語者故不得以時傳之今使
人不知白黑其過在吾也今得傳真人問誠
喜甚喜比若春得登臺而出見天無異何乎

哉天怨結有劇病變不絕此其悒悒不通得
與子言喜也天師何不自往與之位次不得
也吾位職在天真人位職在地地者出萬物
故天生者於地養之故吾傳道於真人地生
君王凡民萬二千物悉得陽施從陰中出故
子得傳於人善哉善哉愚生大自怪當得此
響不力問天師無由知之也但猜疑故也敢
冒過問之耳善乎是名爲曉事之生是亦非
獨子力也實天授子心使其言也今蔽塞不
自知行今使子大自知照若日月之光子以

吾言不誠信也夫天雖欲有所出不與人語
難知情吾書承天教令明丹青也子爲不然
今私匿閉絕吾文而不以時出之天即且病
子災子子或逼之猶不出子已凶矣是其天
使子來學問明證也使真人出之明信也善
哉善哉真人重戒慎之唯唯今天師職在代天
覆加不得已欲復請問一疑不敢言乎行今
凡天事皆爲天使有所傳耶獨天師與愚生
邪噫子益愚何知天下凡物皆爲天使故各
有所職共成天道也一物不具足即天道有

不具者子何故乃不知是乎其冥冥何劇也
愚蒙未悉開得天師解之昭然行子亦易示
矣行弩力勉之凡民各有所職乃復爲天使
物敢獨自勞自然也不敢不敢行去矣

經文部數所應訣第一百六十七

列九

四

天數之始也是故天地未分之時積氣都合
爲一分爲二成夫婦天下施於地懷妊於玄
冥字爲甲子布根東北丑與寅始見於卯畢
生東南辰與己垂枝於南養於午尚老西南
未與申成西方日入酉畢藏西北戌與亥故

起數於一十而止十者十干之始五行之本也數以一乘十百而備是也故天生內百日故畢終是故斗建於辰破於戌建者立也故萬物欲畢生破者敗也萬物畢死於戌數從天地八方十而備陰陽建破以此往來復其故隨天斗所指以明事吾書乃爲除害氣故象天爲法


右問天師書文徵信明訣

太平經卷之一百三

虛无無為自然圖道畢成說第一百

六十八

訓九



虛无者乃内實外虛也有若無也反其胞胎
 與道居也獨存其心懸龍慮也遂為神室聚
 道虛也但與氣游故虛无也在氣與神其餘

悉除也以心爲主故得無邪也詳論其意毋
忘真書也得之則度可久游也何不趣精反
與愚俱也凶禍一至被大災也棄其真朴反
成土灰也賢者見書誠之誠之


右虛无之室



無爲者無不爲也乃與道連出嬰兒前入無
間也到於太初及反還也天地初起陰陽源

也入無爲之術身可完也去本來末道之患也離其太初難得完也去生已遠就死門也好爲俗事傷魂神也守二忘一失其相也可不誠哉道之元也子專守一仁賢源也天道行一故完全也地道行二與鬼神隣也審知無爲與其道最神也詳思其事真人先也閉子之金闕母令出門也寂無聲長精神也神氣已畢仙道之門也易哉大道不復煩也天道無有親歸仁賢也

右無爲



自然之法乃與道連守之則吉失之有患比

則九

六

若萬物生自完一根萬枝無有神詳思其意
道自陳俱祖混沌出妙門無增無減守自然
凡萬物生自有神千八百息人為尊故可不
死而長仙所以蚤終失自然禽獸尚度況人
焉愚者賤道志下與地連仁賢貴道忽上天

門神道不死鬼道終焉子欲爲之如環無端
慎毋有竒自益身患亦毋妄去令人死焉天
地之性獨貴自然各順其事毋敢逆焉道興
無爲虛无自然高士樂之下士志焉詳學於
師亦毋妄言有師道明無師難傳學不師訣
君子不言妄作則亂文身自凶焉道已畢備
便成自然

右道畢成誠

太平經卷之一百三



